

金匱玉函要畧輯義

九

金匱玉函要略方論輯義卷五

東都

丹波元簡廉夫 著

○婦人妊娠病脈證并治第二十

證三條

方九首

師曰婦人得平脈陰脈小弱其人渴不能食無寒熱名妊娠
桂枝湯主之。原註方見利中於法六十日當有此證設有醫治逆者

尤平脈

脈無病也即內經身有病而無邪脈之意陰脈小

弱者初時胎氣未盛而陰方受蝕故陰脈比陽脈小弱至

三四月經血久畜陰脈始強內經所謂手少陰脈動者妊

金匱要略

卷五

金匱要略

子千金所謂三月尺脈數是也其人渴妊子者內多熱也
一作嘔亦通今妊婦二三月往往惡阻不能食是已無寒
熱者無邪氣也夫脈無故而身有病而又非寒熱邪氣則
無可施治惟宜桂枝湯和調陰陽而已徐氏云桂枝湯外
證得之爲解肌和營衛內證得之爲化氣調陰陽也六十
日當有此證者謂妊娠兩月正當惡阻之時設不知而妄
治則病氣反增正氣反損而嘔瀉有加矣絕之謂禁絕其
醫藥也婁全善云嘗治一二婦惡阻病吐前醫愈治愈吐
因思仲景絕之之旨以炒糯米湯代茶止藥月餘漸安程
此證有缺文繼服平無寒熱用桂枝湯與妊娠渴不能食

者不合且文義斷續不絕其中必有脫簡

案樓氏綱目云絕之者謂絕止醫治候其自安也予常
治一二婦阻病吐愈治愈逆因思此仲景絕之旨遂停
藥月餘自安真大哉聖賢之言也據所載如此以炒糯
米代茶湯見于魏註必有所據桂枝湯可疑程註金鑑
似是

婦人宿有癥病經斷未及三月而得漏下不止胎動在臍上
者爲癥瘕害妊娠六月動者前三月經水利時胎也下血者
後斷三月經也所以血不止者其癥不去故也當下其癥桂
枝茯苓圓主之服法無宿有癥病四字有妊娠二字趙本害

宿有癥病。此癥經斷未及三月。即動。此癥也。經斷三月而得。胎下不止。胎動在臍上者。為癥病。當去其癥。是以前意改。者不必有所本也。諸註害下為。句。魏以害妊娠為一句。似是。

魏婦人宿有癥病。舊血積聚之邪也。忽而經斷。未及三月。即上條六十日以上。見焉。不能食。證之候也。又忽爾經血至。且得漏下不止之證。以為胎墮乎。胎固在腹中。但動而不安。有欲墮之機矣。是癥之為病。而累及于胎者。如癥在臍下。邪居于下。可以隨血漏而癥散。止漏安胎。病去胎全矣。如癥在臍上。邪居于上。雖血漏不止。而癥自沉。名為癥瘕。勢必令胎中之氣血。先隨血漏而墜。所以可決其害。將及于妊娠也。此就宿血積聚。居于胎之上下。以卜血漏

不止有無干碍妊娠之義也。再或妊娠六月。其胎忽動者。此亦宿血癥瘕所致。又當明辨其孰為正胎。孰為癥邪。而治之。前三月之間。經水順利。得其正道。無胎應行。則行。有胎應止。即止。此胎之正也。至三月以後。邪癥為患。忽而漏血不止。此血非關胎血。乃斷經之後。三月之血閉而未行。于邪癥之所在。必加添積聚。成為血衄。所以漏下不止。而自與胎不相涉也。惟久久不止。方害及于胎耳。血不止而癥瘕不去。必累害于胎。當下其癥瘕。自下而胎自存。所謂有物無殞者。亦此義也。胎與衄之辨。當于血未斷之前。三必是胎前。三月有曾經下血者。則經水斷之前。三說較前註之說明。暢易曉。附載于此。以資高明。鑑此示。

人妊娠有病當攻病之義也。此條文義不純，其中必有關文姑存其理可也。方氏曰：胎動胎漏皆下血，而胎動有腹痛，胎漏無腹痛，故胎動宜行氣，胎漏宜清熱。

樓氏綱目云：凡胎動多在當臍，今動在臍上，故知是癥也。

挂枝茯苓丸方

挂枝

茯苓

牡丹去心

桃仁去皮

芍藥各等分

右五味末之，煉蜜和丸，如兔屎大，每日食前服一九，不知加至三九。

程牡丹桃仁以攻癥瘕，挂枝以和衛，芍藥以和榮，茯苓以和中，五物相需為治妊娠有癥瘕之小劑。徐此方去癥之力，不獨桃仁癥者陰氣也，過陽則消，故以挂枝扶陽而桃仁愈有力矣，其餘皆養血之藥也。

案挂枝取之于通血脉消瘀血，猶桃核承氣中所用，張氏醫通改作桂心非也。千金惡阻篇茯苓圓註，服後云：妊娠忌挂，故然。龐安時云：挂炒過則不損胎也。此等之說不必執拘。陳氏傷寒五法云：挂枝不傷胎，蓋挂枝輕而薄，但能解發邪氣而不傷血，故不墮胎。案炮炙論序曰：大豆許，取重十兩，鯉目比之，如兔屎，十二兩，鯉目。

梧桐子十四兩。鯉目知兔屎。小兒梧桐子。

婦人良方。奪命圓。專治婦人小產。下血至多。子死腹中。

其人增寒。手指唇口爪甲青白。面色黃黑。或胎上搶心。則

悶絕欲死。冷汗自出。喘滿不食。或食毒物。或誤服草藥。

傷動胎氣。下血不止。胎尚未損。服之可安。已死服之可

下。此方的係異人傳授。至妙。

津繩云。此即什紫桂枝茯苓圓。

即本方。以蜜圓如彈子大。每服一圓。細嚼淡醋湯送下。

速進兩圓。至胎腐爛腹中危甚者。立可取出。

濟陰綱目。催生湯。候產母腹痛腰痛。見胞繫下方服。

即本方。水煎服。

婦人懷娠六七月。脈弦發熱。其胎愈脹。腰痛惡寒者。少腹如扇。所以然者。子藏開故也。當以附子湯溫其藏。原註方未見。作踰腹。扇下。有之狀二字。

尤服弦發熱。有似表邪。而乃身不痛。而腹反痛。背不惡寒。

而腹反惡寒。甚至少腹陣陣作冷。若或扇之者。然所以然

者。子藏開不能合。而風冷之氣乘之。夫藏開風入。其陰內

勝。則其脈弦為陰氣。而發熱。且為格陽。其胎脹者。內熱則

消。寒則脹也。徐子藏者。子宮也。開者不飲也。宜以附子湯

溫其藏。原方失註。想不過傷寒論中附子合參苓朮芍之

附子湯耳。

案金鑑云。方缺文亦不絕。必有殘缺。然尤註義通。今從之。張氏醫通云。妊娠脈弦爲虛寒。虛陽散外。故發熱。陰寒內逆。故胎腹腹痛惡寒者。其內無陽。子藏不能司閉藏之令。故陰中覺寒氣。習習如扇也。用附子湯以溫其藏。則胎自安。世人皆以附子爲墮胎百藥。長仲景獨用。以爲安胎聖藥。非神而明之。莫敢輕試也。

師曰。婦人有漏下者。有半產後。因續下血都不絕者。有妊娠下血者。假令妊娠腹中痛。爲胞阻。膠艾湯主之。

阻。脈經作漏。半產。脈經作。

生中

鑑五六月墮胎者。謂之半產。婦人有漏下下血之疾。至五

六月墮胎。而下血不絕者。此癥瘕之害也。若無癥瘕。下血惟腹中痛者。爲胞阻。胞阻者。胞中氣血不和。而阻其化育也。故用芎歸膠艾湯。溫和其血。血和而胎育也。程漏下者。妊娠經來。脈經以陽不足。謂之激經也。半產者。以四五月墮胎。墮胎必傷其血海。血因續下不絕也。若妊娠下血腹中痛。爲胞阻。則用膠艾湯以治。

巢源云。漏胞者。謂妊娠數月而經水時下。此由衝脈任脈虛。不能約制太陽少陰之經血故也。衝任之脈。爲經脈之海。皆起於胞內。手太陽小腸脈也。手少陰心脈也。是二經爲表裏。上爲乳汁。下爲月水。有娠之人。經水所

婦人經水不調

婦人經水不調

以斷者。壅之以養胎。而蓄之爲乳汁。衝任氣虛。則胞內
泄漏。不能制其經血。故月水時下。亦名胞阻。漏血盡。則
人斃也。

芎歸膠艾湯方（原註）一方加乾薑二兩。胡
洽治婦人胞動無乾薑。

芎藭 阿膠 甘草 艾葉

當歸 各三兩 芍藥 四兩 乾地黄 案原本缺兩數。唯徐
氏尤用六兩。千金乾

地黄 四兩 艾葉 三兩 餘
各二兩 外臺引集驗同

右七味。以水五升。清酒三升。合煮取三升。去滓。內膠。令消
盡。溫服一升。日三服。不差更作。

程膠艾主乎安胎。四物主乎養血。和以甘草。行以酒勢。血

能循經養胎。則無漏下之患。魏用芎藭行血中之凝。阿膠

甘草當歸地黃芍藥五味。全補胞血之虛。艾葉溫子藏之
血。寒證見。加乾薑熱証見者。乾薑燒灰存性。溫經散寒。開

凝通阻。而血反止矣。乾薑之加。乃註中所增。實不易之藥。
余治婦人經血屢試屢効者也。故竟借而添入方中。高明鑒焉。

千金膠艾湯治妊娠二三月。上至七八月。其人頓仆失
據。胎動不安。傷損腰腹痛欲死。若有所見。及胎奔上搶

心短氣方。外臺引集驗
同即本方。又損傷門大膠艾湯治男子傷絕。或從高墮下。傷五藏。

微者。唾血。及金瘡傷經方。即本方。加乾薑。煮法後云。此

金匱要略卷五

二

湯治婦人產後崩傷下血過多。虛喘欲死。腹中激痛。下血不止者。神良。

又治妊娠二三月。上至八九月。胎動不安。腰痛已有所見方。

即本方。去芍藥。地黃。不用清酒。

又治產後下赤白。腹中絞痛方。

即本方。無芍藥。

和劑局方。膠艾湯。治勞傷血氣。衝任虛損。月水過多。淋瀝漏下。連日不斷。臍腹疼痛。及妊娠將墮。失宜。胎動不安。腹痛下墜。或勞傷胞絡。胞阻漏血。腰痛。閉氣。或因損

動胎上搶心。奔衝短氣。及因產乳。衝任氣虛。不能約制。經血淋瀝不斷。延引日月。漸成羸瘦。即本方

婦人良方。陳氏六物湯。治血痢不止。腹痛難忍。

即本方。去甘草。

又四物湯。治婦人經病。或先或後。或多或少。疼痛不一。腰足腹中痛。或崩中漏下。或半產惡露多。或停留不出。妊娠腹痛。下血胎不安。產後塊不散。或亡血過多。或惡露下。服之如神。

即本方。去阿膠。艾葉。甘草。

此藥不知起於何代。或云始自魏華佗。今產寶方。乃朱

梁時節度巡官咎殷所撰。其中有四物散。國朝太平興國中。修入聖惠方者數方。自後醫者易散為湯。自皇朝以來。名醫於此四物中。增損品味。隨意虛實寒熱。無不得其效者。然非止婦人之疾可用而已。施氏醫方祖劑云。仲景芎歸膠艾湯。乃四物湯之祖劑也。中間已具四物。後人裁而用之。

婦人懷娠。腹中疝痛。當歸芍藥散主之。

服趙本作姙。徐沉尤同。

七按說文。疝音絞。腹中急也。乃血不足而水反侵之也。血不足而水侵。則胎失其所養。而反得其所害矣。腹中能無疝痛乎。芎歸芍藥。益血之虛。苓朮澤瀉。除水之氣。趙氏曰。

此因脾土為木邪所客。穀氣不舉。濕氣下流。搏於陰血而

痛。故用芍藥多他藥數倍。以瀉肝木。亦通。

當歸芍藥散方

當歸 三兩

芍藥 一斤

茯苓 四兩

白朮 四兩

澤瀉 半斤

芎藭 半斤作三兩

右六味。杵為散。取方寸匕。酒和。日三服。

程腹中無因而作痛。或邪熱所干。或胎氣壅盛。用茯苓之

淡以滲之。澤瀉之鹹以泄之。白朮之甘以補之。和以酒服

者。藉其勢以行藥力。日三服。則藥力相續。而腹痛自止。

宋金鑑云。姙娠腹中急痛。用此方。未詳其義。必是脫簡。

不釋此說却可疑。

三因方。本方煎法後云。元和紀用經曰。本六氣經緯圓。能祛風補勞。養真陽退邪熱。緩中安和神志。潤澤容色。散邪寒。溫瘴時疫。安期先生。賜李少君久餌之藥。後仲景增減。為婦人懷妊腹痛方。本方用芍藥四兩。澤瀉花苓川芎各一兩。當歸白朮各二兩。亦可以蜜元服。案此說涉

荒誕不可信據

和劑局方。當歸芍藥散。治妊婦腹中絞痛。心下急滿。及產後血暈。內虛氣乏。崩中久痢。常服通暢血脈。不生癰瘍。消痰養胃。明目益津。即本方婦人良方同。

妊娠嘔吐不止。乾薑人參半夏丸主之。

觀妊娠嘔吐不止者。下實上必虛。上虛胸胃必痰飲凝滯。而作嘔吐。且下實氣必逆而上衝。亦能動痰飲而為嘔吐。方用乾薑溫益脾胃。半夏開降逆氣。人參補中益氣。為丸緩以收補益之功。用治虛寒之妊娠家。至善之法也。

張氏醫通云。此即所謂惡阻病也。先因脾胃虛弱。津液

留滯。蓄為痰飲。至妊二月之後。濁陰上衝。中焦不勝。其

逆痰飲遂湧。中寒乃起。故用乾薑止寒。人參補虛。半夏

生薑治痰散逆也。

乾薑人參半夏丸方

乾薑

人參各一兩

半夏二兩

右三味末之。以生薑汁糊為丸。如梧子大。飲服十九。日三服。程寒在胃。脫則令嘔吐不止。故用乾薑散寒。半夏生薑止嘔。人參和胃。半夏乾薑能下胎。婁全善曰。余治妊阻病。累用半夏。未嘗動胎。亦有故無殞之義。臨病之工。何必拘泥。尤此益虛溫胃之法。為妊娠中虛。而有寒飲者設也。夫陽明之脈。順而下行者也。有寒則逆。有熱亦逆。逆則飲必從之。而妊娠之體。精凝血聚。每多蘊而成熱者矣。按外臺方。青竹茹搗皮。半夏各五兩。生薑茯苓各四兩。麥冬人參各三兩。為治胃熱氣逆嘔吐之法。可補仲景之未備也。

聖惠半夏丸。治妊娠惡阻病。醋心。胸中冷。腹痛。不能飲食。輒吐青黃汁方。

即本方。三味等分。搗羅為末。以地黃汁浸。蒸餅和丸。如梧子大。每服不計時候。以粥飲下十九。

妊娠小便難。飲食如故。當歸貝母苦參丸主之。

尤小便難。而飲食如故。則病不由中焦出。而又無腹滿身重等證。則更非水氣不行。知其血虛熱鬱。而津液濡少也。本草。當歸。補女子諸不足。苦參入陰利竅。除伏熱。貝母能療鬱結。兼清水液之源也。

當歸貝母苦參丸方

原註。男子加。滑石半兩。○諸註本刪此七字。唯魏本有。

當歸

貝母

苦參各四兩

右三味末之煉蜜丸如小豆大飲服三丸加至十丸

張氏醫通云此小便難者膀胱熱鬱氣結成燥病在下焦所以飲食如故用當歸以和血潤燥貝母以清肺開鬱苦參以利竅逐水並入膀胱以除熱結也

案貝母本經甄權並云治產難而外臺子桐門小品葛根湯方後云貝母令人易產若未臨月者升麻代之此說雖不可信然足見其亦有利竅之功本方所用蓋取之于利竅耳金鑑云方證不合必有脫簡不釋殆不考藥性也

時氏產經苦參圓主療與原文同

當歸

貝母

苦參各三兩

滑石半兩

右爲末蜜圓如小豆大以米飲下二十圓

妊娠有水氣身重小便不利洒淅惡寒起即頭眩葵子茯苓散主之

〔沉〕此胎壓衛氣不利致水也鑑妊娠外有水氣則浮腫洒淅惡寒水盛貯於肌膚故身重內有水氣則小便不利水盛阻遏陽氣上升故起即頭眩也用葵子茯苓者是專以通竅利水爲主也

婦人良方云。產寶論曰。夫妊娠腫滿。由藏氣本弱。因產重虛。土不尅水。血散入四肢。遂致腹脹。手足面目皆浮腫。小便秘澀。陳無擇云。凡婦人宿有風寒。冷濕。妊娠喜脚腫。俗爲皺脚。亦有通身腫滿。心腹急脹。名曰胎水。名子滿體腫。

葵子茯苓散方

葵子 一斤 茯苓 三兩

右二味。杵爲散。飲服方寸匕。日三服。小便利則愈。

張氏醫通云。膀胱者。主藏津液。氣化出溺。外利經脈。上行至頭。爲諸陽之表。今膀胱氣不化。水溺不得出。外不

利經脈。所以身重。洒洒惡寒。起即頭眩。但利小便。則水去而經氣行。表病自愈。用葵子。直入膀胱。以利癰閉。佐茯苓。以滲水道也。

千金。治妊娠小便不利方。即水方。外臺引千金翼。主療婦人良方。葵子散。治妊娠小便不利。身重惡寒。起則眩暈。及水腫者。王子亨云。妊娠小便不通。特避寒藥。

葵子五兩 茯苓三兩

右二味。爲末。每服二錢。米飲調下。小便利則愈。

時氏產經云。如不通。恐是轉胞。加髮灰少許調服。極妙。

聖方用黃芩

聖惠方。葵子散。治妊娠身體浮腫。小便不利。洒淅惡寒。

即本方加漢防已。凡三味各二兩。

婦人妊娠。宜常服當歸散主之。

張超此下有即易產無疾苦六字

尤妊娠之後。最慮濕熱傷動胎氣。故於芎歸芍藥養血之中。用白水除濕。黃芩除熱。丹溪稱黃芩白水為安胎之聖藥。夫芩朮非能安胎者。去其濕熱而胎自安耳。雖妊娠無病。不須服藥。若其人瘦而有熱。悉耗血傷胎。宜常服此以安之。

當歸散方

當歸

黃芩

芍藥

芎藭各一斤

白水半斤

右五味。杵為散。酒飲服方寸匕。日再服。妊娠常服。即易產。胎無苦疾。產後百病悉主之。

王氏醫學原理由人對

方氏丹溪心法附餘云。此方養血清熱之劑也。瘦人血少有熱。胎動不安。素曾半產者。皆宜服之。以清其源而無患也。

王氏明醫雜著云。調理妊娠。在於清熱養血。

為安胎聖藥。清熱故也。暑月宜加之。養胎全在脾胃。譬

猶懸鍾於梁。梁軟則鍾下墜。折則隨矣。故白水補脾。為

安胎石藥

外臺古今錄驗木湯療妊婦卒得心痛欲死千金治妊
娠腹中滿痛。又心不得飲食。

即本方。去芍藥當歸。右三味切。以水六升。煮取二升
半。分三服。半日全盡。微下水。令易生。

易簡方。治經三四月不行。或一月再至。

即本方。加山茱萸。

妊娠養胎白朮散主之。

尤妊娠傷胎。有因濕熱者。亦有因濕寒者。隨人藏氣之陰
陽而各異也。當歸散正治濕熱之劑。白朮散。白朮牡蠣燉

濕川芎溫血。蜀椒去寒。則正治濕寒之劑也。仲景並列於
此。其所以詔示後人者深矣。

白朮散方

原注見外臺。外臺引古
今錄驗云。裴伏張仲景方。

白朮

芍藥

蜀椒

三分
去汗

牡蠣外臺
白朮

芍藥各四分
牡蠣二分

右四味。杵為散。酒服一錢。日三服。夜一服。但苦痛。加芍
藥。心下毒痛。倍加芍藥。心煩吐痛。不能食飲。加細辛一兩。
半夏大者二十枚。服之後。更以醋漿水服之。若嘔。以醋漿
水服之。復不解者。小麥汁服之。已後渴者。大麥粥服之。病
雖愈。服之勿置。苦痛徐云脫一腹字。沉本作苦。
腹痛吐痛外臺作吐。壅為是。

程白朮主安胎爲君。芍藥主養胎爲臣。蜀椒主溫胎爲佐。牡蠣主固胎爲使。按瘦而多火者宜用當歸散。肥而有寒者宜用白朮散。不可混施也。芍藥能緩中。故苦痛者加之。芍藥能溫中。故毒痛者倍之。痰飲在心膈。故令心煩吐痛。不能食飲。加細辛破痰下水。半夏消痰去水。更服漿水以調中。若嘔者復用漿水服藥以止嘔。嘔不止再易小麥汁以和胃。嘔止而胃無津液作渴者食大麥粥以生津液。病愈服之勿置者以大麥粥能調中補脾。故可常服。非指上藥可常服也。

徐云。予治迪可弟婦。未孕即痰嗽見血。既孕而不減人。

瘦。予以此方治之。因其腹痛。加芍藥兩大劑。而痰少嗽止。人爽胎安。

和劑局方白朮散。調補衝任。扶養胎氣。治妊婦宿有風冷。胎痿不長。或失於將理。動傷胎氣。多致損墮。懷孕常服。壯氣益血。保護胎藏。即本方。服壯氣益血。保護胎藏。即本方。三因同。婦人良方。白朮圓。主療同前局方。白朮散。

即本方。加阿膠地黃當歸。右爲末。蜜爲圓。如梧子。米飲吞。三四十圓。酒醋湯亦可。

婦人傷胎懷身。腹滿不得小便。從腰以下重。如有水氣狀。懷身七月。太陰當養不養。此心氣實。當刺漏勞宮及關元。小便。

微利則愈

原註見玉函○玉函傷胎作傷寒
關元作小腸之募無微利之微字

程七月手太陰肺經養胎金為火象則肺金受傷而胎失所養又不能通調水道故有腹滿不得小便從腰已下有如水氣狀也勞宮穴在手心厥陰心主穴也瀉之則火不秉金矣關元穴在臍下為小腸之募瀉之則小便通利矣此穴不可妄用刺之能落胎

紫金鑑云文義未詳此穴刺之落胎必是錯簡不釋此說固是然依玉函傷胎作傷寒乃義稍通徐子才逐月養胎方云妊娠七月手太陰脈養不可針灸其經

○婦人產後病脈證治第二十一

論一首

證六條

方八首

問曰新產婦人有三病一者病瘕二者病鬱冒三者大便難何謂也師曰新產血虛多汗出喜中風故令病瘕亡血復汗寒多故令鬱冒亡津液胃燥故大便難

尤瘕筋病也血虛汗出筋脈失養風入而益其勁也鬱冒

紫金鑑云此為產後病中

神病也亡陰血虛陽氣遂厥而寒復鬱之則頭眩而目昏

也大便難者液病也胃藏津液而滲灌諸陽亡津液胃燥則大腸失其潤而便難也三者不同其為亡血傷津則一

故皆為產後所有之病程產後血暈者為鬱冒又名血厥產婦鬱冒其脈微弱嘔不能食大便反堅但頭汗出所以然

者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故常汗出陰陽乃復大便堅嘔不能食小柴胡湯主之

（原註）方見

嘔吐中

尤鬱冒雖有客邪而其本則為裏虛故其脈微弱也嘔不能食大便反堅但頭汗出津氣上行而不下達之象所以然者亡陰血虛孤陽上厥而津氣從之也厥者必冒冒家欲解必大汗出者陰陽乍離故厥而冒及陰陽復通汗乃大出而解也產婦新虛不宜多汗而此反善汗出者血去陰虛陽受邪氣而獨盛汗出則邪去陽弱而後與陰相和

所謂損陽而就陰是也小柴胡主之者以邪氣不可不散而正虛不可不顧惟此法為能解散客邪而和利陰陽耳鑑大便堅嘔不能食用小柴胡湯必其人舌有胎身無汗形氣不衰者始可故病得解自能食也若有汗當減柴胡無熱當減黃芩嘔則當倍薑半夏虛則當倍人參又在臨證之變通也

案源云運悶之狀心煩氣欲絕是也亦有去血過多亦有下血極少皆令運悶若去血過多血虛氣極如此而運悶者但煩悶而已若下血過少而氣逆者則血隨氣上掩於心亦令運悶則煩悶而心滿急二者為異亦

當候其產婦血下多少。則知其產後應運與不運也。然煩悶不止。則斃人。巢氏所論如此。知產後血暈。自有兩端。其去血過多而暈者。屬氣脫。其証眼閉口開。手撒手冷。六脈微細或浮是也。下血極少而暈者。屬血逆。其証胸腹脹痛氣粗。兩手握拳。牙關緊閉。是也。此二者証治霄壤。服藥一差。生死立判。宜審辨焉。而本條所論。則是一証。活人書妊娠傷寒門。載此條於三物黃芩湯之後。則知是專治婦人草薢傷風。嘔而不能食者。若以小柴胡湯為產後鬱冒之的方。則誤人殆多矣。

病解能食。七八日更發熱者。此為胃實。大承氣湯主之。

見卷中

○膜經作此為胃熱氣實。經脈經並接前條為一條。

沉此即大便堅。嘔不能食。用小柴胡湯。而病解能食也。病解者。謂鬱冒已解。能食者。乃餘邪隱伏胃中。風熱熾盛。而消穀。但食入於胃。助起餘邪。復盛。所以七八日而更發熱。故為胃實。是當蕩滌胃邪為主。故用大承氣峻攻胃中堅壅。俾無形邪相隨有形之滯。一掃盡出。則病如失。仲景本意。發明產後氣血雖虛。然有實証。即當治實。不可顧慮其虛。反致病劇也。

產後腹中疼痛。當歸生薑羊肉湯主之。并治腹中寒。虛勞不足。方見寒病中

程產後血虛有寒。則腹中急痛。內經曰。味厚者為陰。當歸羊肉味厚者也。用以補產後之陰。佐生薑以散腹中之寒。則疔痛自止。夫辛能散寒。補能去弱。三味辛溫補劑也。故并主虛勞寒疝。魏妊娠之疔痛。胞阻於血寒也。產後腹中疔痛者。裏虛而血寒也。一阻一虛。而治法異矣。尤當歸生薑溫血散寒。孫思邈云。羊肉止痛利產婦。

千金當歸湯。治婦人寒疝。虛勞不足。若產後腹中絞痛。

即本方加芍藥。註云。子母秘錄有甘草。

丹溪心要云。當產寒月。臍下脹滿。手不可犯。寒入產門。

故也。服仲景羊肉湯二服愈。

嚴氏濟生當歸羊肉湯。治產後發熱自汗。肢體痛。名曰
薦勞。

即本方。加人參黃芪。

產後腹痛。煩滿不得卧。枳實芍藥散主之。

也。氣結血凝而痛。故用枳實破氣結。芍藥調腹痛。枳實炒

令黑者。蓋因產婦氣不實也。并主癰膿。亦因血為氣凝。久

而腐化者也。佐以麥粥。恐傷產婦之胃也。尤產後腹痛而

至煩滿不得卧。和血鬱而成熱。且下病而碍上也。與虛寒

疔痛不同矣。枳實燒令黑。能入血行滯。同芍藥為和血止

痛之劑也。魏天麥粥取其滑潤宜血且有益胃氣也。

枳實芍藥散方

枳實燒令黑
勿大過

芍藥等分

右二味杵為散服方寸匕日三服并主癰腫以麥粥下之
案朱震亨云芍藥產後禁用程氏辨其誤極是今不繁
引又案此前排膿散中去桔梗不用雞子黃用麥粥立
方之意稍近故并治癰腫乎

師曰產婦腹痛法當以枳實芍藥散假令不愈者此為腹中
有乾血著臍下宜下瘀血湯主之亦主經水不利

鑑產婦腹痛屬氣結血凝者枳實芍藥散以調之假令腹

後不愈此為熱灼血乾著於臍下而痛非枳實芍藥之所
能治也宜下瘀血主之下瘀血湯攻熱下瘀血也並主經
水不通亦因熱灼血乾故也
下瘀血湯方

大黃

三兩
本作二兩

桃仁二十枚

蟅蟲

二十枚
熬去足

右三味末之煉蜜和為四九以酒一升煎一丸取八合頓
服之新血下如豚肝

程靈出主下血閉鹹能軟堅也大黃主下瘀血苦能泄滯

也桃仁亦下瘀血滑以去者也三味相合以攻臍下乾血

魏此類于抵當湯丸之用亦主經水不利無非通幽開積

之治也和酒爲丸者。後從下治也。徐氏曰新血又曰如豚肝。驟結之血也。

案徐氏蘭臺軌範云。新字當作瘀字。此說頗有理。

產後七八日。無太陽證。少腹堅痛。此惡露不盡。不大便。煩躁發熱。切脈微實。再倍發熱。日晡時煩躁者。不食。食則譫語。至夜即愈。宜大承氣湯主之。熱在裏。結在膀胱也。

見瘕病中。脈經煩躁發熱。

熱四字。作四五日。跌陽脈六字。食則譫語。至夜即愈八字。作譫語則之則愈六字。

我太陽傷寒。熱結膀胱。則蓄血。小腹堅痛。今產後非太陽証。而小腹亦堅痛者。此惡血未盡。熱在裏。結在膀胱也。宜下瘀血湯。若不大便。煩躁發熱。則熱不在膀胱。而熱在

胃。切其脈亦微實也。日晡時陽明向王時也。當向王時。是以再倍發熱。煩躁則胃中實矣。胃實則不能食。故食則譫語。轉增其實也。宜大承氣湯下之。此條前後錯。熱在裏八字。當在惡露不盡之下。未有大承氣湯而下膀胱血結也。至夜即愈四字。衍文。脈經無爲。金鑑同。但以至夜即愈不鑑李超曰。此一節具兩證在內。一是太陽蓄血證。一是陽明裏實證。因古人文法錯綜。故難辨也。無太陽證。謂無表於此。則堅痛亦在此。此惡露不盡。是爲熱在裏。結在膀胱。此太陽蓄血證也。宜下去瘀血。若不大便煩躁。脈實譫語。

者陽明裏實也。再倍發熱者，熱在裏，蒸蒸發於外也。陽明旺於申酉戌日，晡是陽明向旺時，故煩躁不能食，病在陽而不在陰，故至夜則愈。此陽明府病也。又大承氣湯以下胃實。

案尤云：蓋謂不獨血結於下，而亦熱聚於中也。若但治其血而遺其胃，則血雖去而熱不除，即血亦未必能去。而大承氣湯中大黃枳實均為血藥，仲景取之者，蓋將一舉而兩得之歟。此解不可從，李註似允當。

產後風續之數十日不解，頭微痛，惡寒時時有熱，心下悶，乾嘔，汗出，雖久陽旦證續在耳，可與陽旦湯。

原註：即桂枝湯。見下利中。脈經。

作婦人產後風，心下悶，作心下堅。徐洄作產後中風續。

徐此段言產後中風淹延不愈，而表裏雜見者，仍當去其風也。謂中風之輕者，數十日不解，似乎不可責表，然頭疼惡寒汗出，時有熱，皆表證也。心下悶，乾嘔，太陽之邪欲內入而內不受也。今陽旦證仍在，陽旦湯何不可與，而因循以致誤也。

案陽旦湯，徐洄尤金鑑為桂枝湯加黃芩，而魏則據傷寒論証象陽旦條為桂枝加附子，並誤。唯程依原註為是。

張氏醫通云：舉此與上文承氣湯為表裏之例。

金匱要略卷五

華佗醫方

產後中風發熱面正赤喘而頭痛竹葉湯主之喘而千金作目各痛

尤此產後表有邪而裏適虛之證若攻其表則氣浮易脫若補其裏則表多不服竹葉湯用竹葉葛根桂枝防風桔梗解外之風熱人參附子固裏之脫甘草薑棗以調陰陽之氣而使其平乃表裏兼濟之法凡風熱外溢而裏氣不固者宜於此取則焉沉產後最易變為柔痙故發熱頭痛雖屬太陽表證恐隱痙病之機所以方後云頸項強加大附子一枚

案金鑑云產後中風之下當有病痙者之三字始與方

合若無此三字則人參附子施之於中風發熱可乎而又以竹葉命名者何所謂也且方內有頸項強用大附子之文本篇有證無方則可知必有脫簡此註恐非是方蓋防發痙之漸若至直發痙則難奏効也竹葉湯方

竹葉

一把○十金作一握

葛根

三兩

桔梗

桂枝

人參

防風

案千金用二兩

附子

一枚○十人書不用○治

甘草

各一兩

生薑

五兩

右十味

以水一斗煮取二升半分溫三服

頸項強用大附子一枚破之如豆大前藥揚去沫嘔者加

金匱要略卷五

半夏半升。

千金分上有去滓二字無一校以下十二字前趙本作煎徐註豆大下云該是入字案據

徐則豆下句

程產後血虛多汗出喜中風故令病瘕今證中未至背反張而發熱面赤頭痛亦風瘕之漸故用竹葉主風瘕防風治內瘕葛根治剛瘕桂枝治柔瘕生薑散風邪桔梗除風痺辛以散之之劑也邪之所窠其氣必虛佐人參以固衛附子以溫經甘草以和諸藥大棗以助十二經同諸風劑則發中有補爲產後中風之大劑也頭項強急瘕病也加附子以散寒嘔者風擁氣逆也加半夏以散逆

張氏醫通云此桂枝湯去芍藥加竹葉爲防枯梗人參

因方後所加附子向來混入方內案醫通載本方去附子蓋本于治人書

又云附子恐是方後所加治頭項強者以邪在太陽禁固其筋脈不得屈伸故用附子溫經散寒揚去沫者不使辛熱上浮之氣助其虛陽上逆也若邪在胸而嘔加半夏治之上言破之如豆入前藥舊本作如豆大今如徐忠可駁正

婦人乳中虛煩亂嘔逆安中益氣竹皮大圓主之

程胃者水穀氣血之海產後則血氣虛而胃氣逆故煩亂

作乳脈經

嘔逆尤婦人乳中虛煩亂嘔逆者乳子之時氣虛火勝內

金匱要略卷五

七

金匱要略卷五

亂而上逆也。

案乳中。蓋在草蓐之謂。故脈經作產中。而沈云。乳者乳子之婦也。魏云。乳即血也。初產血虛。沉云。乳下。當有閉字。謂乳閉而不通也。金鑑云。此條文義證藥未詳。張璐云。乳中虛。言乳哺而乳汁去多。並誤。

竹皮大九方

治人云。治虛煩。載之于丈夫諸方中。

生竹茹二分

石膏二分

桂枝一分

甘草七分

白薇一分

右五味末之。棗肉和丸。彈子大。以飲服。一九。日三夜二服。有熱者。倍白薇。煩喘者。加栝實一分。

治人書栝實作枳實。

程竹茹甘寒。以除嘔。石膏辛寒。以除煩逆。白薇鹹寒。以治狂惑邪氣。大寒則沉。脇佐桂枝。以宣導。寒則傷胃。佐甘草以和中。有熱倍白薇。白薇鹹寒。能除熱也。煩喘加栝實。栝實辛平。能治喘也。用棗肉爲丸者。統和諸藥。以安中益氣也。

武氏濟陰綱目云。

中虛不可用石膏。煩亂不可用桂枝。

此方以甘草七分。配衆藥六分。又以棗肉爲丸。仍以一九飲下。可想其立方之微。用藥之難。審虛實之不易也。

仍飲服者。尤慮夫虛虛之禍耳。用是方者。亦當深省。產後下利虛極。白頭翁加甘草阿膠湯主之。

金匱要略卷五

脈經作熱痢重下。新產虛極。

金利產間
有藥字

尤傷寒熱利下重者。白頭翁湯主之。寒以勝熱。苦以燥濕也。此亦熱利下重。而當產後虛極。則加阿膠。救陰。甘草補中生陽。且以緩連藥之苦也。

案金鑑云。此條文義證藥不合。不釋。蓋以其虛極而用苦寒之品也。

白頭翁加甘草阿膠湯方

千金名白頭翁湯

白頭翁

甘草

阿膠

各二兩

秦皮

黃連

案千金各二兩

藥皮

各三兩

右六味以水七升。煮取二升半。內膠令消盡。分溫三服。

附方

張氏醫通云。傷寒厥陰證。熱利下重者。用白頭翁湯。苦寒治熱。以堅腸胃。此產後氣血兩虛。故加阿膠。甘草。然下利血滯也。古人云。血行則利自止。此方豈獨治產後哉。

千金三物黃芩湯。治婦人在草蓐。自發露得風。四肢苦煩。熱頭痛者。與小柴胡湯。頭不痛但煩者。此湯主之。
千金煩者作煩

黃芩一兩

苦參二兩

乾地黄四兩

千金二兩上有各字

右三味以水六升。煮取二升。溫服一升。多吐下出。
千金六升

下，有去
痺二字。

徐在草蓐，是未離產所也。自發露得風，是揭衾衣被，稍有不慎而暫感也。產後陰虛，四肢在亡血之後，陽氣獨盛，又得微風，則苦煩熱。然表多則上入而頭痛，當以上焦爲重，故主小柴胡和解。若從下受之，而濕熱結于下，則必生虫，頭不痛，故以黃芩消熱爲君。苦參去風殺虫，爲臣。而以地黃補其元陰爲佐。曰多吐下虫，謂虫得苦參必不安，其上出下出，政未可知也。

案別錄云：苦參除伏熱，本方所用，蓋不在殺虫。當攷千金傷寒雜治門。

千金內補當歸建中湯治婦人產後虛羸不足，腹中刺痛不止，吸吸少氣，或苦少腹中急，摩痛引腰背，不能食飲，產後一月，日得服四五劑爲善，令人強壯。宜
早宜作方。

當歸 四兩

桂枝 三兩

芍藥 六兩

金作五兩

生薑 三兩

○千金作六兩

甘草 五兩

大棗 十二枚

金作十八枚

右六味以水一斗煮取三升，分溫三服，一日令盡。若大虛加飴糖六兩，湯成內之於火上，煖令飴消。若去血過多，崩傷內衄不止，加地黃六兩，阿膠二兩，合八味湯成內阿膠。若無當歸，以芍藥代之。若無生薑，以乾薑代之。

案內經千金作內竭非也千金異與本條同集源云吐血有三種一曰內竭出血如鼻衄但不從鼻孔出或去數升乃至斜是也若無生薑以下千金無

沉產後體雖無病血海必虛若中氣充實氣血雖虛易能恢復或後天不能生血充於血海則見虛羸不足但血海虛而經絡之虛是不待言因氣血不利而瘀則腹中刺痛不止衛任督帶內虛則少腹中急摩痛引腰背脾胃氣虛則吸吸少氣不能食飲故用桂枝湯調和營衛加當歸欲補血之功居多若大虛加膠鉅峻補脾胃而生氣血若去血過多崩傷內經乃血海真陰大虧故加地黃阿膠以培之方後云無生薑以乾薑代之乃溫

補之中兼引血藥入血分生血其義更妙

張氏醫通云按此即黃耆建中之變法彼用黃耆以助外衛之陽此用當歸以調內營之血兩不移易之定法也

千金芍藥湯治產後苦腹少痛方

即小建中湯用膠鉅八兩

○婦人雜病脈證并治第二十二

論一首

脈證合十四條

方十四首

婦人中風七八日續來寒熱發作有時經水適斷此為熱入血室其血必結故使如瘧狀發作有時小柴胡湯主之

方見

中。來傷寒論太陽下
篇作得斷下有者字

程婦人傷寒中風六經傳變治例與男子同法唯經水適
來適斷熱入血室與夫胎前產後崩漏帶下則治有殊也
婦人經行之際當血弱氣盡之時邪氣因入血室與正氣
相搏則經爲之斷血爲之結也血結則邪正分爭往來寒
熱休作有時與小柴胡解表裏而散血室之邪熱尤仲景
單用小柴胡湯不雜血藥一味意謂熱邪解而乍結之血
自行耳

詳傷寒論辨義太陽
中篇以下二條同

許氏本事方小柴胡加地黃湯治婦人室女傷寒發熱
或發寒熱經水適來或適斷晝則明了夜則譫語如見

鬼狀亦治產後惡露方來忽爾斷絕

卽於小柴胡湯加生乾地黃

辛夷中寓居毘陵學官王仲禮其妹病傷寒發寒熱遇
夜則如有鬼物所憑六七日忽昏塞延醫如引鋸牙關
緊急瞑目不知人疾勢極危呂子視予曰得病之初曾
值月經來否其家云月經方來病作而經遂止得一二
日發寒熱晝雖靜夜則有鬼祟從昨日來延生不省人
事予曰此熱入血室證也仲景云婦人中風發熱惡寒
經水適來晝則明了暮則譫語如見鬼狀發作有時此
名熱入血室醫者不曉以剛劑與之遂致胸膈不利延

潮上脫喘急息高昏冒不知人當先化其涎後除其熱
予急以一呷散投之兩時頃涎下得驗省人事次授以
小柴胡加地黃湯三服而熱除不汗而自解矣一呷散
大天南

星一味選讀辰日
製詳見于本書

婦人傷寒發熱經水適來晝日明了暮則譫語如見鬼狀者

此爲熱入血室治之無犯胃氣及上二焦必自愈脈經注二
焦字疑

程傷寒發熱又值經水適來之時則寒邪乘虛而入搏於
血室夫邪去陽入陰則晝日明了陰被其邪故暮則譫語
如見鬼狀也無者禁止之辭犯胃氣以禁下言也上二焦
以禁汗吐言也今邪在血室中則非汗吐下所宜矣上章

以往來寒熱如瘧故用小柴胡以解其邪下章以胸脇下
滿如結胸狀故刺期門以瀉其實此章則無上下二證似
待其經行血去邪熱得以隨血出而解也

婦人中風發熱惡寒經水適來得七八日熱除脈遲身涼和
胸脇滿如結胸狀譫語者此爲熱入血室也當刺期門隨其
實而取之太陽下篇得
下有之字

程發熱惡寒則風邪在表未入于裏

日則邪熱乘虛而內入入則表證罷故脈遲身涼和也胸

脇者肝之部分靈樞經曰厥陰根於大敦結於玉英絡於

膻中其正經則布脇肋以肝藏血邪入血室故令胸脇滿

金匱要略卷五

婦人經水不調

如結胸狀也。肝藏魂。熱搏於陰。故令譫語也。期門者。肝之募刺之。以瀉其實。

許氏本事方云。一婦人患熱入血室證。醫者不識。用補血調氣藥。涵養數日。遂成血結胸。或勸用前藥。予曰。小柴胡用已遲。不可行也。無已。則有一焉。刺期門穴。斯可矣。予不能針。請善針者治之。如言而愈。或者問曰。熱入血室。何爲而成結胸也。予曰。邪氣傳入經絡。與正氣相搏。上下流行。或遇經水適來適斷。邪氣乘虛而入血室。血爲邪迫。上入肝經。肝受邪則譫語。而見鬼。復入膈中。則血結於胸也。何以言之。婦人平居。水當養於木。血當

養於肝也。方未受孕。則下行以爲月水。既妊娠。則中蓄之以養胎。及已產。則上壅之以爲乳。皆血也。今邪逐血。併歸肝經。聚於膈中。結於乳下。故手觸之則痛。非湯劑可及。故當刺期門也。活人書。海蛤散治血結胸。海蛤清石甘草各一兩。芒消半升。右爲末。每服二錢。爲子清調下。

陽明病。下血譫語者。此爲熱入血室。但頭汗出。當刺期門。隨其實而瀉之。濺然汗出者愈。

傷寒論辨義

陽明篇者。太陽中篇作則。

尤陽明之熱。從氣而之血。襲入胞宮。卽下血而譫語。蓋衝任之脈。起陽明之經。不必乘經水之來。而後熱得入之。故彼爲血去而熱入。此爲熱入而血下也。但頭汗出者。陽通

而閉在陰也。此雖陽明之熱而傳入血室。則仍屬肝家。故亦當刺期門。以瀉其實。刺已周身灑然汗出。則陰之閉者亦通。故愈。

婦人咽中如有炙燭。半夏厚朴湯主之。嚥脈經作腐

尤此痰痰結氣阻塞咽嗑之間。千金所謂咽中帖帖。如有炙肉。吞不下。吐不出者是。鑑咽中如有炙燭。謂咽中有痰涎。如同炙肉。咯之不出。嚥之不下者。即今之梅核氣病也。此病得於七情鬱氣凝涎而生。故用半夏厚朴生薑辛以散結。苦以降逆。茯苓佐半夏以利飲行涎。紫蘇芳香以宣通鬱氣。俾氣舒涎去。病自愈矣。此證男子亦有。不獨婦人也。

巢源云。咽中如炙肉。嚥者。此是胸膈痰結。與氣相搏。逆上咽候之間。結聚狀如炙肉之嚥也。

半夏厚朴湯方

原註千金作胸膈心下堅咽中帖帖如有炙肉吐之不出吞之不下○案今本肉下有嚥

半夏一升

厚朴三兩

茯苓四兩○趙作二兩

生薑五兩

乾蘇葉

二兩○千金云一方無乾蘇葉生薑

右五味以水七升。煮取四升。分溫四服。日三夜一服。

聖惠方。半夏散治咽喉中如有炙腐。

於本方中加枳殼訶黎勒皮。

王氏易簡

四七湯治喜怒悲恐驚之氣結成痰涎狀如

破氣。或如梅核。在咽喉之間。咯不出。嚥不下。此七氣之所爲也。或中脘痞滿。氣不舒快。或痰涎壅盛。上氣喘急。或因痰飲中節。嘔吐惡心。並宜服之。即本方

又云。婦人情性執著。不能寬解。多被七氣所傷。遂致氣填胸臆。或如梅核。上塞咽喉。甚者滿悶欲絕。產婦尤多。此證服此劑。間以香附子藥。久服取效。婦人惡阻。尤宜服之。間以紅圓子尤效。一名厚朴半夏湯。一名大七氣湯。

瑞竹堂經驗方。四七湯。治婦人女子。小便不順。甚者陰戶疼痛。

於本方。加香附子甘草煎成。加琥珀末調服。

仁齋直指。桂枝四七湯。治風冷寒邪。搏心腹作痛。

於本方。合桂枝湯。加枳殼人參。

又四七湯。治驚憂氣逆上喘。即本方

又加減七氣湯。治氣鬱嘔吐。

於本方。合千金七氣湯。

桂枝半夏人參甘草大棗生薑

又加味四七湯。治心氣鬱滯。痞痰散鬱。

於本方。加茯神遠志甘草石菖蒲人參。

三因七氣湯。治喜怒憂思悲恐驚七氣鬱發。致五臟互

相刑剋。陰陽反戾。揮霍變亂。吐利交作。寒熱眩暈。痞滿

咽塞

於本方加桂枝芍藥陳皮人參大棗

孫氏三吳醫案云張漢亭乃眷候中梗梗有肉如炙饗
吞之不下吐之不出鼻塞頭運耳常耿耿不安汗出如
雨心驚膽怯不敢出門稍見風即遍身疼小腹時疼小
水淋瀝而疼脈兩寸皆短兩關滑大右關尤搏指此梅
核氣症也以半夏四錢厚朴一錢紫蘇葉一錢伍分茂
苓一錢三分薑三分水煎食後服每月此湯調理多効
婦人藏躁喜悲傷欲哭象如神靈所作數欠伸甘麥大棗湯
主之

鑑藏心藏也心靜則神藏若為七情所傷則心不得靜而

神躁擾不寧也故喜悲傷欲哭是神不能主情也象如神

靈所憑是心不能神明也即今之失志癲狂病也數欠伸

喝欠也喝欠頭悶肝之病也母能令子實故證及也

案沈尤以藏為子宮甚誤

甘草小麥大棗湯方三因名小麥湯
神珍名甘草湯

甘草三兩 小麥一升 大棗十枚

右三味以水六升煮取三升溫分三服亦補脾氣案溫分

作分
溫是

經內經曰悲則心系急甘草大棗者甘以緩諸急也小麥

金匱要略卷五

者穀之苦者也。靈樞經曰：心病者，宜食麥。是穀先入心矣。案素問以小麥爲心之穀。千金云：小麥養心氣。本方所主正在于此。而金鑑云：方義未詳，必是謬錯。此說大誤。驗之於病者，始知立方之妙也。

許氏本事方云：鄉里有一婦人，數欠無故悲泣不止，或謂之有祟，祈禳請禱，備至終不應。予忽憶有一證云：婦人藏躁云云，急令治藥，盡劑而愈。古人識病製方，種種妙絕如此，試而後知。

陳氏婦人良方云：鄉先生程虎卿內人，妊娠四五箇月，遇害則慘感悲傷，淚下數欠。如有所憑，醫與巫兼治，皆

無益。僕年十四，正在齋中習業，見說此証，而程省元皇

皇無計，僕遂告之。管先生伯同說：記憶先人曾說此一

証，名曰藏躁悲傷，非大棗湯不愈。虎卿借方看之，甚喜。

對証笑而治藥，一投而愈矣。

婦人吐涎沫，醫反下之，心下卽痞。當先治其吐涎沫，小青龙

湯主之。涎沫止，乃治痞，瀉心湯主之。婦人下千金有霍亂嘔逆二字，瀉心湯上千金

尤吐涎沫，上焦有寒也，不與溫散而反下之，則寒內入而

成痞。如傷寒下早例也。然雖痞而猶吐涎沫，則上寒未已，

不可治痞。當先治其上寒，而後治其中痞，亦如傷寒例。表

金匱要略卷五

解乃可攻痞也。魏瀉心湯在傷寒論中。為方不一。亦當合傷寒論中痞證諸條參觀之。而求其治法。

小青龍湯方 見肺經中

瀉心湯方 見驚悸中。○案驚悸所載。即三黃瀉心湯。然據千金當是甘草瀉心湯。

婦人之病。因虛積冷。結氣為諸。經水斷絕。至有歷年血寒。積結胞門。寒傷經絡。凝堅在上。嘔吐涎唾。久成肺癰。形體損分。在中盤結。繞臍寒疝。或兩脇疼痛。與臍相連。或結熱中。痛在關元。脈數無痞。肌若魚鱗。時著男子。非止女身。在下未多。經候未勻。令陰掣痛。少腹惡寒。或引腰脊。下根氣衝。氣衝急痛。膝脛疼痛。奄忽眩冒。狀如厥顛。或有憂慘。悲傷多嘆。此皆帶

下。非有鬼神。久則羸瘦。脈虛多寒。三十六病。千變萬端。審脈

陰陽虛實。緊弦。行其針藥。治危得安。其雖同病。脈各異源。子

常辨記。勿謂不然。 徐云。未多之未字。疑誤。程尤作來。多經云。

未字。本條皆經水斷絕之病。若係來多。則與上文不合。是傳寫之誤。案金鑑。若何。不考之。正脈等本。可疑。此魏並仍原。化陰。非。

鑑此條為婦人諸病綱領。其病之所以異於男子者。以其

有月經也。其月經致病之根源。則多因虛損積冷。結氣也。

三者一有所感。皆能使經水斷絕。至有歷年寒積胞門。以

致血凝氣結。而不行者。先哲云。女子以經調。為無病。若經

不調。則變病百出矣。以下皆言三者阻經之變病。其變病

之不同。各因其人之藏府經絡寒熱虛實之異也。如寒外傷經絡。其人上焦素寒。則凝堅在上。故上焦胸肺受病也。形寒傷肺。則氣滯阻飲。故嘔吐涎唾也。若其人上焦素熱。寒同其化。久則成熟。熱傷其肺。故成肺癰。而形體損瘦也。若其中焦素寒。則在中盤結。故繞臍疝痛也。或兩脇疼痛。是中焦之部。連及肝藏故也。或其中焦素熱。則不病寒疝。而病結熱於中矣。中熱故不能爲寒疝。而繞臍之痛。仍在關元也。其人脈數當生瘡。若無瘡。則熱必灼陰皮膚。失潤。故肌粗若魚鱗也。然此嘔吐涎唾。寒疝疼痛。肌若魚鱗等病。亦時著男子。非止女子病也。在下未多。謂經候不

勻。而血不多下也。邪侵胞中。乃下焦之部。故病陰中掣痛。少腹惡寒也。或痛引腰脊。下根氣衝急痛。腰膝疼痛。皆胞中衝任爲病。所以必然也。或痛極奄忽眩冒。狀如厥癰。亦痛甚之常狀也。若其人或有憂慘悲傷多嘆之遇。而見此眩冒厥癰之證。實非有鬼神也。凡此胞中衝任血病。皆能病帶。故諺曰。十女九帶也。然帶下病久。津液必傷。形必羸瘦。診其脈虛。審其多寒。豈止病此三十六病。而千變萬端矣。雖千變萬端。然審脈陰陽虛實緊弦。與病參究。行其鍼藥。治危得安也。其有病雖同。而脈不同者。則當詳加審辨。故曰。子當辨記。勿謂不然也。尤甚則奄忽眩冒。狀如厥癰。

所謂陰病者。下行極而上也。或有憂慘悲嘆。狀如鬼神者。病在陰則多怒。及悲愁不樂也。而總之曰。此皆帶下。帶下者。帶脈之下。古人列經脈爲病。凡三十六種。皆謂之帶下病。今人所謂赤白帶下也。三十六病者。十二藏。九痛。七害。五傷。三瘕也。

案史記扁鵲傳云。通都鄆。聞貴婦人。卽爲帶下醫。知古所稱帶下。乃腰帶以下。經血諸疾之謂也。金鑑云。此皆帶下一句。當在非有鬼神之下。文義相屬。是傳寫之謬。此說非也。本條隔句押韻。如依金鑑而改之。則失上下押韻之法。不可從也。巢源云。諸方說三十六疾者。十二

藏。九痛。七害。五傷。三瘕。不通是也。又云。張仲景所說三十六疾。皆由子臟冷熱勞損。而挾帶下。起於陰內。條目混漫。與諸方不同。據巢氏此言。則本條所謂三十六疾。今無所攷歟。

問曰。婦人年五十所。病下利數十日不止。暮卽發熱。少腹裏急。腹滿。手掌煩熱。唇口乾燥何也。師曰。此病屬帶下。何以故。曾經半產。瘀血在少腹不去。何以知之。其證唇口乾燥。故知之。當以溫經湯主之。

案沈氏所字下句。所許同。卽日。晡所之所諸家或接下句義不通。

程下利當是下血。

鑑所病下利之利字。當是血字。文義相屬。必是傳寫之謬。李昉曰。婦人年五十。則已過七七之期。

金鑑綱目卷五

任脈虛大衝脈衰。天癸竭地道不通時也。所病下利。據本
文帶下觀之。當是崩淋下血之病。蓋血屬陰。陰虛故發熱。
赤亦屬陰也。任主胞胎。衝為血海。二脈皆起於胞宮。而出
於會陰。正當少腹部分。衝脈俠臍上行。故衝任脈虛。則少
腹裏急。有乾血。亦令腹滿。內經云。任脈為病。女子帶下瘕
聚是也。手背為陽。掌心為陰。乃手三陰過脈之處。陰虛故
掌中煩熱也。陽明脈俠口環唇。與衝脈會於氣衝。皆屬於
帶脈。難經云。血主濡之。以衝脈血阻不行。則陽明津液衰
少。不能濡潤。故唇口乾燥。斷以病屬帶下。以曾經半產。少
腹瘀血不去。則津液不布。新血不生。此則唇口乾燥之所

由生也。

溫經湯方

吳茱萸 三兩

當歸

芍藥

人參

桂枝

阿膠

牡丹皮

生薑

甘草 各二兩

半夏 半升

麥門冬 一升

右十二味

以水一斗。煮取三升。

分溫三服。

亦主婦人少腹

寒。久不受胎。兼取崩中去血。或月水來過多。及至期不來。
取徐洸尤並作治是。

程

婦人有瘀血。當用前證下瘀血湯。今婦人年五十。當天

癸竭之時。

又非下藥所宜。故以溫藥治之。以血得溫即行。

金匱要略卷之五

婦人

經水不調

也經寒者。溫以茱萸薑桂。血虛者益以芍藥歸芎。氣虛者補以人參甘草。血枯者潤以阿膠麥冬。半夏用以止帶下。牡丹用以逐堅癥。十二味為養血溫經之劑。則瘀血自行而新血自生矣。故亦主不孕崩中而調月水。
千金治崩中下血。出血一斛。服之即斷。或月經來過多。及過期不來。服之亦佳方。即本方。外臺引千金。名溫經湯。針作斗。
和劑局方溫經湯。治衝任虛損。月候不調。或來多不斷。或過期不來。或崩中去血過多不止。又治曾經損壞。瘀血停留。少腹急痛。發熱下利。手掌煩熱。唇乾口燥。及治少腹有寒。久不受胎。即本方。醫學入門。名大溫經湯。

王氏易簡云。若經血不調。血臍冷痛者。當用小溫經湯。即本方。別本以當歸附子二味等分。白水煎服。不載本方。案已名小溫經湯。恐非本方。
百一選方正經湯。

於本方去芍藥甘草。加熱地黃。

帶下。經水不利。少腹滿痛。經一月再見者。土瓜根散主之。案

綱目土瓜條經下補或宗義尤明金鑑改再作不字非

尤婦人經脈流暢。應期而至。血滿則下。血盡復生。如月盈

則虧。月晦復起也。惟其不利。則畜洩失常。以通非通。欲止

不止。經一月而再見矣。少腹滿痛。不利之驗也。土瓜根主

金匱要略卷之五

經水不調

內痔瘻血月閉。瘰癧。蠅動逐血。桂枝芍藥行榮氣而正經脈也。

土瓜根散方

原註陰癰腫亦主之

土瓜根

芍藥

桂枝

麝香各三分

右四味。杵爲散。酒服方寸匕。日三服。

程土瓜根。破瘀血而兼治帶下。故以爲君。蠅虫下血閉以爲臣。芍藥通順血脈以爲佐。桂枝通行瘀血以爲使。癰疽亦凝血所成。故此方亦治癰腫。

寸口脈弦而大。弦則爲減。大則爲乳。減則爲寒。乳則爲虛。寒虛相搏。此名曰革。婦人則半產漏下。旋覆花湯主之。

尤本文已見虛勞篇中。此去男子亡血失精句而益之曰。旋覆花湯主之。蓋專爲婦人立法也。詳本草。旋覆花治結氣去五藏間寒熱通血脈。慈主寒熱除肝邪。絳帛入肝理血。殊與虛寒之旨不合。然而肝以陰藏而含少陽之氣。以生化爲事。以流行爲用。是以虛不可補。解其鬱聚。卽所以補寒。不可溫行其血氣。卽所以溫固。不可端補其血。以傷其氣。亦非必先散結聚而後溫補。如趙氏魏氏之說也。鑑此條詳在傷寒論辨脈法篇。錯簡在此。旋覆花湯主之一句。亦必是錯簡。半產漏下。則氣已下陷。焉有再用旋覆花下氣之理。

旋覆花湯方

旋覆花 三兩

葱 十四

新絳 少許

右三味以水三升煮取一升頓服之。

婦人陷經漏下黑不解膠薑湯主之。

（原註）臣億等按諸本無膠薑湯方想是於經中

膠艾湯○樓氏綱目云即芎歸膠艾湯一云加乾薑一兩

鑑李起曰陷經漏下謂經脈下陷而血漏下不止乃氣不攝血也黑不解者瘀血不去則新血不生榮氣腐敗也然氣血喜溫惡寒用膠薑湯養氣血則氣盛血充推陳致新而經自調矣按此條文義必有缺誤膠薑湯方亦缺姑採此註以見大意尤陷經下而不止之謂黑則因寒而色瘀

也膠薑湯方未見然補虛溫裏止漏阿膠乾薑二物已足杜億云恐是膠艾湯按千金膠艾湯有乾薑似可取用

巢源載五色漏下其五曰腎藏之色黑漏下黑者是腎藏之虛損故漏下而挾黑色也

婦人少腹滿如敦狀小便微難而不渴生後者此為水與血

俱結在血室也大黃甘遂湯主之

（如鼓狀）脈經作敦狀更曰字註要畧云滿而熱案餘沉

尤敦音對按周禮註盤以盛血敦以盛食蓋古器也少腹

滿如敦狀者言少腹有形高起如敦之狀與內經脇下大

如覆杯之文畧同小便難病不獨在血矣不渴知非上焦

氣熱不化。生後卽產後。產後得此。乃是水血並結。而病屬下焦也。故以大黃下血。甘遂逐水。如阿膠者。所以去瘀濁而兼安養也。

案周禮。天官玉府。若合諸候。則并珠槃玉敦。鄭註。敦。槃類。古者以繫盛血。以敦盛食。尤註本于此。又廣雅。釋器。盂。孟也。爾雅。釋丘。郭註。敦。孟也。知本條如敦狀。謂如槃盂之形也。脈經如敦敦狀。而千金云。陰交石門。主水脹水氣。行皮中。小腹皮敦敦然。小便黃。則脈經似是。然如字。竟無著落。沈云。人敦而不能起。言其下重之情也。金鑑云。敦。大也。皆於文義不相叶。今從尤註。

大黃甘遂湯方

大黃 四兩

甘遂 二兩

阿膠 二兩

右三味。以水三升。煮取一升。頓服之。其血當下。婦人經水不利下。抵當湯主之。

尤經水不利下者。經脈閉塞而不下。比前條下而不利者。

原註亦治男子勝此湯意有瘀血者

有別矣。故彼兼和利。而此專攻逐也。然必審其脈證並實。而後用之。不然婦人經閉。多有血枯脈絕者矣。雖養衝任。

猶恐不至。而可強責之哉。經婦人經水不利下。言經行不

通利快暢下也。乃婦人恒有之病。不過治瘀導氣。調和衝

任。足以愈之。今日抵當湯主之。夫抵當重劑。文內無少腹

結痛大便黑小便利發狂善忘寒熱等證恐藥重病輕必
有殘缺錯簡讀者審之

抵當湯方

水蛭

三十箇熬

蠱虫

三十枚熬去翅足

桃仁

二十箇去皮尖

大黃

三兩酒浸

右四味爲末以水五升煮取三升去滓溫服一升

千金桃仁煎治帶下月經閉不通

本方去蛭加朴硝五兩

千金翼抵當湯治婦人月水不利腹中滿時自減并罵
子膀胱滿急方

本方去蠱虫加虎杖二兩一云虎掌

又杏仁湯治月水不調或一月再來或兩月三月不來
或月前或月後閉塞不通

於本方加杏仁三十枚千金同

李氏必讀代抵當湯行瘀血如血老而甚者

生地黃

當歸尾

穿山甲各三錢

降香一錢五分

肉桂去皮一錢

桃仁去皮尖炒二錢

大黃去皮三錢

芒硝八分

水二鍾煎一鍾

血在上食後服血在下食前服

張氏醫通云水蛭如無以陵鯉甲生漆塗炙代之

金匱要略卷五

婦人經水不利

又代抵當丸治虛人畜血宜此緩攻

於前方去降香加蓬朮爲末蜜丸畜血在上部者丸如芥子黃昏去枕仰臥以津嚥之令停喉以搜逐瘀積在中部食遠下部空心俱丸如梧子百勞水煎湯下之汪氏醫方集解同但去降香我未芒硝用文明粉

婦人經水閉不利藏堅癖不止中有乾血下白物礬石丸主之

沉臙卽子宮也堅癖不止止當作散字堅癖不散子宮有乾血也白物者世謂之白帶也魏藏堅之藏指子宮也藏

中之藏指陰中也无藏堅癖不止者子宮乾血堅凝成癖而不去也乾血不去則新血不榮而經閉不利矣由是蓄洩不時胞宮生濕濕復生熱所積之血轉爲濕熱所腐而成白物時時自下是宜先去其藏之濕熱礬石却水除熱合杏仁破結潤乾血也礬石丸方

礬石三分
杏仁一分

右二味末之

程礬石酸礬燒則質枯枯者之品故神農經以能止白沃

亦瀉以固脫之意也杏仁者非以止帶以礬石質枯佐杏

實質燥幾

望六 陰經望讀

仁一分。以潤之。使其同寒。易以為丸。滑潤易以內陰中也。
此方專治下白物而設。未能攻堅。癥下乾血也。

婦人六十二種風。及腹中血氣刺痛。紅藍花酒主之。

〔无〕婦人經盡產後風邪最易襲入腹中。與血氣相搏。而作
刺痛。刺痛。痛如刺也。六十二種未詳。紅藍花。苦辛溫。若血
止痛。得酒尤良。不更用風藥者。血行而風自去耳。

紅藍花酒方

〔原註〕疑非仲景方

紅藍花

一兩

右一味。以酒一大升。煎減半。頓服一半。未止再服。

外臺近効。療血暈絕不識人煩悶方。

紅藍花三兩。新者佳。以無灰清酒半升。童子小便半
大升。煮取一大盞。去滓。候稍冷服之。

婦人良方。紅藍花酒。療血暈絕不識人。煩悶言語錯亂。
惡血不盡。腹中絞痛。胎死腹中。

紅藍花一兩。右為末。分二服。每服酒二盞。童子小便

二盞。煮取盞半。候冷。分為二服。留滓再併煎。一方無

童便。

〔本出〕肘後。○徐氏胎產方。治產後血暈。昏迷心氣結。

婦人腹中諸疾痛。當歸芍藥散主之。

〔徐〕此言婦人之病。大槩由血。故言諸疾痛。皆以水苓澤歸

芍藥主之。謂即有因寒者。亦不過稍為加減。非真以此方
論。廣蠟幾。卷五

禁腹中諸痛也。經諸疾腹痛。謂婦人腹中諸種疾病也。既曰諸疾痛。則寒熱虛實。氣食等邪。皆令腹痛。豈能以此一

方禁治諸疾痛耶。

當歸芍藥散主之。必是錯簡。

婦人腹中痛。小建中湯主之。

徐此言婦人之病。既已由血。則虛者多。從何補起。唯有建中之法為妙。謂後天以脾胃為本。胃和而飲食如常。則自能生血而痛止也。小建中。即桂枝湯加飴糖也。言外見當扶脾以統血。不當令借四物之類耳。前產後附千金內補。當歸建中湯。正此意也。

小建中湯方

見前虛勞中。

朱氏集驗方。加味建中湯。治女人虛敗腹痛。

於本方中。加當歸琥珀木香。

施圓端効方。大加減建中湯。治婦人胎前產後一切虛損。月事不調。脾腹疼痛。往來寒熱。自汗口乾煩渴。

於黃芪建中湯。去膠飴。加當歸川芎白朮。

問曰。婦人病飲食如故。煩熱不能臥。而反倚息者何也。師曰。

此名轉胞。不得溺也。以胞系了戾。故致此病。但利小便則愈。

宜腎氣丸主之。以胞以下。脈經作下。此人故肌盛。頭舉身滿。今

利小便則愈。宜服腎氣丸。以中虛。感胞系了戾。故致此病。但

中有茯苓故也。方在虛勞中。

金匱要略卷之五

尤飲食如故。病不由中焦也。了戾與癆戾同。胞系繫戾。而不順。則胞為之轉。胞轉則不得溺也。由是下氣上逆。而倚息。上氣不能下通。而煩熱不得卧。治以腎氣者。下焦之氣。腎主之。腎氣得理。底絡者順。戾者平。而閉乃通耳。

巢源云。胞轉之病。由胞為熱所迫。或忍小便。俱令水氣。還迫於胞。屈辟不得充張。外水應入。不得入內。復應出。不得出。內外壅脹不通。故為胞轉。其狀小腹急痛。不得小便。甚者至死。張仲景云。婦人本肥盛。且舉自滿。全羸瘦。且舉空減。胞系了戾。亦致胞轉。朱氏格致論引婦人本肥盛云云。而曰其料未案了。癆並音聊。癆。纏也。繞也。千金有四枝葉癆。

戾等文。舒氏女科要訣云。了戾者。絞紐也。腎氣丸方。

乾地黄 八兩

薯蕷 四兩

山茱萸 四兩

澤瀉 三兩

茯苓 三兩

牡丹皮 三兩

桂枝

附子 炮各一兩

千金異用桂附各二兩

右八味末之。煉蜜和丸。梧子大。酒下十五丸。加至二十五

丸。日再服。詳于虛勞。及消渴中當參攷。

鑑趙氏曰。此方在虛勞中。治腰痛小便不利。小腹拘急。此

亦用之何也。蓋因腎虛用之也。用此補腎則氣化。氣化則水行而愈矣。然轉胞之病。豈盡由下焦腎虛。氣不化出致

命廣續幾 崇正

即或中焦脾虛不能敷精歸於胞及上焦肺虛不能下輸布於胞或胎重壓其胞或忍溺入房皆足成此病必求其所因以治之也李昉曰方名腎氣丸者氣屬陽補腎中真陽之氣也內具六味丸壯腎水以滋小便之源附桂益命門火以化膀胱之氣則薰蒸津液水道以通而小便自利此所以不用五苓散而用腎氣丸也

蛇床子散方溫陰中坐藥

服法作婦人陰裏溫陰中坐藥蛇床子散主之徐經綬尤全錄並同

蛇床子仁

右一味末之以白粉少許和合相得如棗大綿裹內之自

然溫合燂作

徐坐謂內入陰中如生產謂坐草之坐也程白粉即米粉藉之以和合也尤陰寒陰中寒也寒則生濕蛇床子溫以去寒合白粉燥以除濕也此病在陰中而不關藏府故但內藥陰中自愈

案十全法云坐藥即下著坐導藥少陰脈滑而數者陰中即生瘡陰中蝕瘡爛者狼牙湯洗之

尤脈滑者濕也脈數者熱也濕熱相合而係在少陰故陰中即生瘡甚則蝕爛不已狼牙味酸苦除邪熱氣瘡瘻惡瘡去白蟲故取治是病

案龔氏外科百効云

如因婦人子宮有敗精帶濁或月

經不調或

水未淨與之交合。後又未洗。男子腎虛。邪穢滯氣。遂令陰虛。連服九疰膏。小便如淋。名陰蝕瘡。然婦人亦有之。據此則陰蝕乃微瘡之屬已。

狼牙湯方

外臺引千金云。瘡入陰。瘡方。案千金云。治陰中瘡。入骨。因方。與外臺所引異。

狼牙

三兩。一作兩。把。

右一味。以水四升。煮取半升。以綿纏筋。如繭浸湯。浸陰中。日四通。

外臺古今錄驗。婦人陰蝕。若中爛傷。狼牙湯。

狼牙三兩。或咀。以水四升。煮取半升。去滓。內苦酒。如綿子中黃。一搗。煎湯。適寒溫。以綿濡湯。以溲瘡中。日

四五度即愈

胃氣下泄。陰吹而正喧。此穀氣之實也。膏髮煎導之。

尤陰吹。陰中出聲。如大便失氣之狀。連續不絕。故曰正喧。穀氣實者。大便結而不通。是以陽明下行之氣。不得從其故道。而乃別走旁竅也。猪膏髮煎。潤導大便。便通氣自歸矣。

案金鑑云。

膏髮煎導之五字。當是衍文。此穀氣之實也。

之下。當有長服訶黎勒丸之六字。後陰下氣。謂之氣利。

用訶黎勒散。前陰下氣。謂之陰吹。用訶黎勒丸。文義始

屬藥病相對。蓋訶黎勒丸。以訶黎勒固下氣之虛。以厚

金匱要略

卷五

五

金匱要略

朴陳皮平穀氣之實亦相允合方錯簡在雜療篇內此
說未知是否姑附之

蕭氏女科經綸云按婦人陰吹證仲景以為穀氣實胃
氣下泄所致此之病機有不可解雲來註云胃實腸虛
氣走胞門亦是隨仲景之文而證之也夫人穀氣胃中
何嘗一日不實而見陰吹之證者未之嘗聞千百年之
書其闕疑可也予甲寅歲游峽右有友吳禹仲來詢云
此鎮有一富室女陰戶中時發發有聲如後陰之轉失
氣狀通訪醫者不曉此何病也予曰陰吹證也仲景之
書有之禹仲因嘆予之讀書之博案陰吹非罕見之病

簡前年療一諸侯夫人患此証尋為瘵藥罔効而浸

膏髮煎方

見黃
疸中

小兒疳虫蝕齒方

原註疑非
仲景方

雄黃

葶藶

右二味末之取臘日猪脂鎔以槐枝綿裹頭四五枚點藥
烙之

案本草綱目二
味等分日作月

程小兒胃中有疳熱則蟲生而牙斷蝕爛雄黃味辛葶藶

味苦辛苦能殺蟲故也按張仲景有口齒論一卷

今未之見豈被處簡脫於此耶而婦人方後不應有小兒

方也

金匱要略卷五
案玉函經第八卷末亦載治小兒藥三方。蓋另有如科
書而亡佚者。此類豈其遺方耶。

金匱要略卷五